



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-238-5/22**

Datum: 10.06.2022. godine

„Agencija za vodno područje rijeke Save“ Sarajevo rješavajući po zahtjevu Investitora Hodžić Enesa iz Živinica za izdavanje vodne saglasnosti za ispuštanje tehnoloških otpadnih voda sa lokacije samouslužne autopraonice, koja se planira graditi u Gradu Živinice, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj saglasnosti**

1. Investitoru Hodžić Enesu iz Živinica, daje se vodna saglasnost za ispuštanje tehnoloških otpadnih voda sa lokacije samouslužne autopraonice, koja se planira graditi u Gradu Živinice, na zemljištu označenom kao k.č. broj: 606//1 K.O. Živinice Grad, u skladu sa projektnom dokumentacijom:
 - Glavni projekat snabdijevanja vodom i dispozicija otpadnih voda samouslužne autopraonice, lokacija K.O. Lipovice, urađen od strane „ATRIUS“ d.o.o. Živinice, maj 2022 godine, revidovan od strane TZI-INŽENJERING“ d.o.o. Sarajevo, a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije sve u skladu sa odredbama člana 114. stav (3) Zakona o vodama vraća investitoru na trajno čuvanje, a ista će se koristiti u postupku pribavljanja odobrenja za gradnju u smislu propisa o prostornom uređenju.
4. Vodna saglasnost se daje pod slijedećim uslovima:
 - 4.1. Radove na izgradnji objekata i sistema za prikupljanje, odvođenje i prečišćavanje otpadnih voda sa lokacije samouslužne autopraonice izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja otpadnih voda, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje uređaja za prečišćavanje otpadnih voda i stavljanje istog u pogon uskladiti sa proizvođačem opreme.
 - 4.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 4.7. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).

- 4.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 04/11-19-8290/21 od 14.04.2022 godine izdato od strane Službe za urbanističko planiranje, komunalne, geodeske i imovinko pravne poslove, Tuzlanski kanton, Grad Živinice.
- 4.9. Da podnosilac zahtjeva do izdavanja Rješenja o vodnoj dozvoli pribavi Saglasnost za priključak na gradski kanalizacioni sistem sa uslovima za ispuštanje tehnoloških otpadnih voda a u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata, kojim upravlja JP „Vodovod i kanalizacija“ d.o.o. Živinice. U navedenoj saglasnosti je potrebno da se operator očituje o mjestu ispusta kanalizacije na koju je priključen podnosilac zahtjeva.
5. Ukoliko se u toku izvođenja radova i korištenja premetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procjenjenu štetu nadoknaditi.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine Federacije BiH“ broj: 31/15, 55/19 i 41/20).
8. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko u tom periodu ne bude pribavljeno odobrenje za gradnju u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Investitor Hodžić Enes iz Živinica, pismenim zahtjevom zaprimljenim u ovoj Agenciji dana 20.05.2022 god., zatražilo je izdavanje vodne saglasnosti za ispuštanje tehnoloških otpadnih voda sa lokacije samouslužne autopraonice, koja se planira graditi u Gradu Živinice, na zemljištu označenom kao k.č. broj: 606//1 K.O. Živinice Grad, a u postupku pribavljanja odobrenja za rgrađenje.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija lične karte Investitora Hodžić Enesa iz Živinica,
- Uplatnica za upravnu taksu u iznosu od 60.00 KM,
- Rješenje o urbanističkoj saglasnosti broj: 04/11-19-8290/21 od 14.04.2022 godine izdato od strane Službe za urbanističko planiranje, komunalne, geodeske i imovinko pravne poslove, Tuzlanski kanton, Grad Živinice,
- Rješenje o prethodnoj vodnoj saglasnosti broj: UP-I/25-1-40-125-4/22 od 14.04.2022 godine izdato od strane «Agencije za vodno područje rijeke Save» Sarajevo,
- Obavijest okolinskoj dozvoli broj: 12/1-19-007670/22 od 05.04.2022 godine izdato od strane Ministarstva prostornog uređenja i zaštite okolice, Tuzlanski kanton,
- Prethodna saglasnost broj: 07-149-3/22 od 02.06.2022 godine izdata od strane JP „Vodovod i kanalizacija“ d.o.o. Živinice.

B. Tehnička dokumentacija

- Glavni projekat snabdijevanja vodom i dispozicija otpadnih voda samouslužne autopraonice na lokaciji K.O. Lipovice, urađen od strane „ATRIUS“ d.o.o. Živinice, maj 2022 godine -tri primjerka neovjerena i jedan ovjeren od strane Agencije
- Revizija Glavni projekat snabdijevanja vodom i dispozicija otpadnih voda samouslužne autopraonice lokaciji K.O. Lipovice, urađen od strane „ATRIUS“ d.o.o. Živinice, maj 2022 godine urađena od strane „TZI-INŽENJERING“ d.o.o. Sarajevo (X3)

U provedenom postupku konstatovano je sljedeće:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica.

Lokacija planiranog poslovnog objekta je u Gradu Živinice, na zemljištu označenom kao k.č. broj: 606//1 K.O. Živinice Grad.

Predmetna parcela se nalazi na cca 3,3 km zračne linije udaljena od rijeke Oskove.

Na predmetnom lokalitetu je planirana izgradnja samouslužne autopraonice.

Snabdijevanje vodom za potrebe predmetnih objekata biće obezbijeđeno priključkom na gradski vodovodni sistem.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima Grada Živinice.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

Tehnološke otpadne vode od pranja auta i manipulativnih površina autopraone će se nakon prikupljanja slivnicima odvoditi cijevima do separatora ulja i masti. Prečišćene otpadne vode će se preko okna za monitorig odvoditi u internu kanalizaciju na parceli a potom odvoditi u gradsku kanalizacionu mrežu.

Podnosilac zahtjeva je dostavio prethodnu saglasnost broj 07-149-3/22 od 02.06.2022 godine izdatu od strane JP „Vodovod i kanalizacija“ d.o.o. Živinice u kojoj je navedeno da je podnosilac zahtjeva već spojen na kan lizacionu mrežu i posjeduje priključak na istu. Navedena prethodna saglasnost nije data u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata, kojim upravlja JP „Vodovod i kanalizacija“ d.o.o. Živinice

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-I/25-1-40-125-4/22 od 14.04.2022 izdato od strane "Agencije za vodno područje rijeke Save" Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Remić DŽ., dipl.iur.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- Hodžić Enes ul. Rudarska 14, Živinice (Prilog-Ovjerena tehnička dokumentacija pod tačkom B ovog rješenja)
- ⦿ AVP-ISV -Vodna knjiga
- Sektor 40, arhiva
- Oglasna tabla AVP-Sava Sarajevo